

rum zelus dum districtius malorum vindex vult existere, transit in crudelitatem correctio<sup>55)</sup>, iram judicio refrena & censura disciplinæ sic utere<sup>56)</sup>, ut & culpas ferias, & a dilectione personarum, quas corrigis, non recedas. Misericordem te, prout virtus patitur, pauperibus exhibe, oppressis defensio tua subveniat, opprimentibus modesta correctio contradicat, nullius faciem contra justitiam aspicias, nullum quærentem justa despicias, custodia in te æquitatis excellat, ut nec divitem<sup>57)</sup> potentia sua aliquid apud vos extra viam suadeat rationis audere, nec pauperem de re sua faciat humiliter<sup>58)</sup> desperare: quatenus, Deo<sup>59)</sup> miserante, talis possis existere, qualem sacra Lectio præcipit, dicens: Oportet Episcopum irreprehensibilem esse. Sed his omnibus salubriter uti poteris, si Magistrum charitatem habueris, quam qui secutus fuerit a recto aliquando tramite non recedit. Ecce Frater Charissime, inter multa alia ista sunt Sacerdotii, ista sunt Pallii, quæ si studiose servaveris, quod foris accepisse ostenderis intus habebis. Sancta Trinitas Fraternitatem vestram<sup>60)</sup> gratiæ suæ protectione circumdet, atque ita<sup>61)</sup> in timoris sui via nos diriget, ut, post vitæ hujus amaritudinem, ad æternam simul<sup>62)</sup> dulcedinem pervenire mereamur. Scriptum per manus<sup>63)</sup> Johannis Scriniarii Sanctæ Romanæ Ecclesiæ, in Mense Mayo, Indictione<sup>64)</sup> decima qvarta<sup>65)</sup> bene vale. Data in Kalend. Junii, per manum Theophylacti Sacellarii Sanctæ Sedis Apostolicæ. Anno Deo propitio, Pontificatus Domini Sergii Summi Pontificis, et Universitatis Papæ, in Sacratissima sede beati Petri Apostoli VIII. Indictione XIV.

14.

913 d. 29 Oct.

Påfv. JOHANNES X:s stadsfæstelse, vid öfversändningen af pallium till Ärke-Bisk. UNNO, på dess församlings privilegier.

JOHANNES Episcopus, servus servorum Dei, dilecto confratri Unni Venerabili Archiepiscopo Hammaburgensis Ecclesiæ tibi tuisque successoribus in perpetuum. Convenit Apostolico moderamini præ religione pollutibus benevola compassione succurrere, & poscentium animis alacre devotione impertiri assensum, ex hoc enim lucri potissimum præmium apud Dominum procul dubio promeremur, dum venerabilia loca opportune ordinata ad meliorem fuerint per nos statum perducta. Igitur, quia postulasti a nobis, quatenus pallium transmitteremus, & Archiepiscopatum Hammaburgensem totum

---

55) Correptio. 56) Secuturæ, sed perperam. 57) divites. 58) humilitas. 59) Domino. 60) Sanctitatem. 61) deest ita. 62) similiter. 63) Manum Steph. 64) Sexta. 65) Hæc quæ sequuntur desunt.

in integrum tibi tuisque successoribus confirmaremus, sicut a beato Gregorio, Nicolao & aliis prædecessoribus nostris decretum est, in tuæ & antecessoribus tuis data sunt, & privilegiis confirmata, nos, Apostolica auctoritate tibi concedimus, & nostro privilegio confirmamus, scilicet omnia, quæ generaliter & specialiter ad eundem præfatum Archiepiscopatum pertinent, quæque tui antecessores suis laboribus adquisiverunt, vel etiam, quæ ob amorem æternæ patriæ ibi a Christi fidelibus largita sunt, vel adhuc largiuntur. Cum illis etiam, qui hoc tempore ad Christi fidem conversi sunt, procurante & protegente gratia Dei, videlicet Episcopos in omnibus gentibus Sveonum seu Danorum, Norvegiorum, Island, Scrideuinnum, Gronlandon & universarum Septentrionalium Nationum, nec non etiam in illis partibus Slavorum que sunt a flumine Pene, ad fluvium Egidore, ita, ut sub tua, tuorumque Successorum Hammaburgensis Ecclesie Archiepiscoporum maneant potestate, vel quicquid a nobis diuina fauente gratia, ab errore per fidei, siue hominum siue locorum ad religionem Christianam acquiript., tibi tuisque Successoribus perpetualiter tenendum, inviolabiliterque retinendum censemus. Et insuper decrevimus nullum Archiepiscoporum vel Coloniensium, vel alium quemlibet in tua dioecesi ullam sibi vindicare potestatem, & cœtera. Caput quoque tuum mitra, quod est insigne Romanorum, permittimus insigniri. Quod si quis huic nostræ auctoritatis privilegio contraire præsumat, anathema sit, qui vero pie observaverit gratiam & benedictionem consequatur a domino nostro Jesu Christo dat IIII. kl. nouembris per manus Leonis sancte Romane Sedis Cancellarii. Anno Domini Johannis Pape primo Indictione viiij.

15.

952 d. 2 Jan.

Påfv. AGAPETUS II:s stadfästelse för Ärke-B. ADALDAG på Hamburgs Ärke-Biskops döme, med tillstånd att bär pallium och att hafta inseende öfver Sveriges och andra Nordiska Rikens kyrkoväsende.

AGAPETUS Episcopus, Servus Servorum Dei, Reverendissimo ac Sanctissimo Adaldo Sanctæ Hammaburgensis Ecclesiæ, tuisque Successoribus in perpetuum. Convenit Apostolico moderamini pia religione pollutibus benevolia compassione succurrere, & poscentium animis alacri devotione imperfiri. Ex hoc enim lueri potissimum præmium apud conditorem omnium, Dominum, procul dubio promeremur, dum venerabilia loca opportune ad meliorem fuerint statum, sine dubio perducta. Igitur, quia postulatis a nobis, quatenus Archiepiscopatum Hammaburgensis Ecclesiæ totum integrum vobis confirmaremus, sicut a præcessore nostro Domino Nicolao hujus Apostolicæ